

ԱՆԴՐԿՈՒԿԱՍԻ ԵՐԿԱԹՈՒՂԱՅԻՆՆԵՐԻ ՀԵՂԱՓՈԽԱԿԱՆ  
ՊԱՅՔԱՐԻ ՊԱՏՄՈՒԹՅՈՒՆՆԵՐ

Ա. Վ. ՍԻՄՈՆՅԱՆ

1905 թ. հունվարի 9-ի ողբերգական դեպքերից հետո Ռուսաստանում բուռն թափով ծավալվող հեղափոխական իրադարձությունները հուժկու ազդակ հանդիսացան ինչպես մյուս ազգային ծայրամասների, այնպես էլ Անդրկովկասի պրովետարիատի պայքարի համար:

1905 թ. ՌՍԴԲԿ Կովկասյան միութենական կոմիտեի հրապարակած «Կովկասի բանվորներ, ժամանակն է վրեժ լուծել» թռուցիկում երկրամասի բազմազդ պրովետարիատին կոչ էր արվում վճռական պայքարի դուրս դալ ինքնակալության դեմ:

1905 թ. հունվարի 18-ին ՌՍԴԲԿ Կովկասյան միութենական կոմիտեի անմիջական ղեկավարությամբ սկսվեց Թիֆլիսի բանվորների գործադուլը: Առաջինը աշխատանքը թողեցին երկաթուղու դիլավոր արհեստանոցների և դեպոյի բանվորները, որոնք առաջադրեցին 20 կետից կազմված իրենց պահանջները:

Նախօրոք տեղյակ լինելով նախապատրաստվող գործադուլին, տեղական իշխանություններն այն կանխելու համար ձեռք էին առել անհրաժեշտ միջոցներ: Արդեն հունվարի 17-ին ոստիկանությունը դիմեց մասսայական ձերբակալությունների: Ձերբակալվեցին և բանտ նետվեցին ՌՍԴԲԿ Կովկասյան միութենական կոմիտեի անդամներ Ֆ. Ի. Մախարաձեն, Ա. Մուլուկիձեն, Մ. Բոչորիձեն և ուրիշներ<sup>1</sup>: Ձերբակալությունները շարունակվեցին նաև հետագա օրերին, բայց, ինչպես երևում է Թիֆլիսի դատական պալատի դատախազի ղեկուցագրից, գործադուլով բռնությունները ոչ մի ցանկալի արդյունք չէին տալիս. բոլշևիկյան ընդհատակյա թռուցիկները շարունակում էին մեծ քանակությամբ տարածվել ամբողջ քաղաքով մեկ<sup>2</sup>:

Հունվարի 19-ին գործադուլը դառնում է ընդհանուր: Այդ օրը Թիֆլիսի բանվորական շրջաններից մեկում<sup>3</sup> Դիգուբեում, տեղի ունեցավ երկաթուղայինների միտինգ, որին մասնակցում էին 2.000 մարդ: Ելույթ ունեցող բանվորներն իրենց բողոքի ձայնն էին բարձրացնում Պետերբուրգում անգնեց բանվորների նկատմամբ ցարիզմի կատարած ոճրագործության դեմ: Բանվորները պահանջում էին ազատ արձակել քաղաքական բանտարկյալներին, տալ ժողովներ, միությունների ազատություն, վերացնել բոլոր տեսակի տուգանքները, սահմանել 8-ժամյա բանվորական օր և այլն:

Հունվարի 20-ին հրապարակվեց ՌՍԴԲԿ Թիֆլիսի կոմիտեի կոչը՝ ուղղված երկաթուղայիններին: Կոչում առված էր. «...մենք գործադուլ ենք հայտարարել,

<sup>1</sup> «Начало первой русской революции» (январь—март 1905), М., 1955, стр. 593—594.

<sup>2</sup> «Очерки истории коммунистических организаций Закавказья», Тбилиси, 1967, стр. 122.

<sup>3</sup> «Начало первой русской революции», стр. 602—603.

որպեսզի բարելավենք մեր նյութական ու քաղաքական դրուժյունը: Մենք ուզում ենք մեր ուսուցիչների հետ միասին երկրի երեսից շնչել ատելի ինքնակալությունը...

Մի՞թե մենք կարող ենք մի այսպիսի ժամանակ շարունակել աշխատանքը: Մեր անձնուրաց բանվորների արյունը պարտավորեցնում է մեզ պայքարել մինչև վերջ: Եվ այսպես, շարունակենք գործադուլը»<sup>4</sup>:

Կոչն ավարտվում է «Կեցցե՛ք Թիֆլիսի գործադուլը», «Կեցցե՛ք բանվոր դասակարգը», «Կորչի՛ ինքնակալությունը», «Կեցցե՛ք ՌՍԴԲԿ-ն» լոզունգներով: Հունվարի 23-ին Թիֆլիսի գործադուլավոր բանվորների ցույցն ավարտվում է ոստիկանությունների հետ ընդհարումով:

Հունվարյան գործադուլներին ակտիվորեն մասնակցում էին նաև Բաթումի, Փոթիի, Նովոսեյակիի, Սամտրեդիի և երկաթուղային այլ կայարանների ու դեպոների բանվորները: Հունվարի 22-ին Բաթում-Սամտրեդի երկաթուղային տեղամասում գործադուլին մասնակցում էին 5.000 մարդ: Այստեղ դադարում է գնացքների երթևեկությունը<sup>5</sup>: Պայքարի դուրս ելած բանվորներին են միանում մոտակա գյուղերի բնակիչները, թվով մոտ 2 հազար մարդ<sup>6</sup>: «Անկարգություններին» վերջ տալու համար երկաթուղային կայարաններն են ուղարկվում զինված ջոկատներ, որոնց փոխադրումը խանգարելու նպատակով շատ տեղերում բանվորները փչացնում են երկաթգծերը: Այսպես, զինվորական այն գնացքը, որը շարժվում էր Բաթումի ուղղությամբ և տեղափոխում զինվորներ բանվորական շարժումները ճնշելու համար, գծի փչացման հետևանքով խորտակվում է:

Ադրբեջանում այս շրջանում ավելի վճռական հանդես եկան Նիզամվետպոլի դեպոյի բանվորները, որոնք հունվարի 25-ին, թվով մոտ 2.000 մարդ, թողնում են աշխատանքը և ներկայացնում տնտեսական բնույթի մի շարք պահանջներ: Համաձայնելով վերսկսել աշխատանքը, բանվորները հայտարարում են, որ եթե մինչև փետրվարի մեկը իրենց պահանջները չբավարարվեն, ապա կրկին կդիմեն գործադուլի<sup>7</sup>: Նույն օրը Վրաստանում աշխատանքները դադարեցնում են Կվիրիլի և Շորապանի կայարանների ու դեպոների բանվորները<sup>8</sup>:

Երկաթուղայինների նկատմամբ կիրառվող բռնությունները, զինված ջոկատների միջամտությունը գործադուլներին ի վերջո հանգեցնում են այն բանին, որ բանվորներն աստիճանաբար անցնում են աշխատանքի: Արդեն փետրվարի 1-ին գլխավոր արհեստանոցներում աշխատանքի էին անցել 2.300 մարդ:

Անդրկովկասյան երկաթուղում գործադուլները շարունակվում են մինչև 1905 թ. փետրվարի 4-ը<sup>9</sup>: Կառավարությունը ստիպված է լինում գծային և գլխավոր արհեստանոցների բանվորների համար սահմանել 9-ժամյա աշխատանքային օր<sup>10</sup>: Նախատեսվում էր ավելացնել սևագործ բանվորների աշխա-

<sup>4</sup> Վրաց. ՍՍՀ Կենտրոնական պետական պատմական արխիվ (այսուհետև՝ Վրաց. ՍՍՀ ԿՊՊԱ), ֆ. 113, գ. 51, թ. 75:

<sup>5</sup> «Начало первой русской революции», стр. 847.

<sup>6</sup> Г. А. Г а л о я н, Рабочее движение и национальный вопрос в Закавказье 1900—1922, Ереван, 1969, стр. 63.

<sup>7</sup> ՄՍՍՀ Կենտրոնական պետական արխիվ (այսուհետև՝ ՄՍՍՀ ԿՊԱ), ֆ. 114, ց. 1, գ. 31, թ. 1:

<sup>8</sup> «Кавказ», 1905, № 28.

<sup>9</sup> Վրաց. ՍՍՀ ԿՊՊԱ, ֆ. 83, ց. 1, գ. 192, թ. 5:

<sup>10</sup> «Революционное прошлое Тбилиси», Тбилиси, 1964, стр. 54.



տավարձը<sup>11</sup>, «Հեղափոխությունը ծավալվում է,— դրում է Վ. Ի. Լենինը,— կառավարությունը սկսում է այս ու այն կողմ ընկնել, նա փորձում է աշխուժացնել ռեպրեսիայի քաղաքականությունից անցնել տնտեսական զիջումների և դուրս պրծնել ողորմությունով, կամ իննժամյա բանվորական օր խոստանալով, Բայց աշխուժացնող օրվա դասը չի կարող իզուր անցնել»<sup>12</sup>,

ՌՍԴԲԿ Թիֆլիսի կոմիտեն, հանրագումարի բերելով հունվար ամսվա գործադուլային շարժման արդյունքները և նշելով բանվորների հետագա պայքարի խնդիրները, «Թիֆլիսի բոլոր բանվորներին» թուցիկում դրում է. «Այժմ ամենքը տեսան, որ ցարի կառավարությունից ոչ մի բան չի կարելի սպասել... Հիշենք, որ քանի կա, գոյություն ունի ցարի գազան կառավարությունը, երբեք լավ օր չենք տեսնի... Եթե այսօր կառավարությունը վախենալով մի քանի զիջում արեց, վաղը նորից ետ կխլի մեզանից...»<sup>13</sup>, Կոմիտեն բանվորներին կոչ է անում շարունակել պայքարը ինքնակալության դեմ, ձեռք բերել քաղաքական ազատություններ, «Ինչպես ձուկն առանց ջրի, թռչունը առանց թևերի, պրոլետարիատը չի կարող ապրել առանց քաղաքական ազատության ... Միայն այս ազատությունը նվաճելով մենք կարող ենք բարելավել մեր դրությունը»<sup>14</sup>,

Հեղափոխական շարժումները թուլացնելու և կանխելու նպատակով փետրվարի 11-ին Անդրկովկասյան երկաթուղում հայտարարվում է ռազմական դրություն, Առանց հատուկ թույլտվության բանվորներն ու ծառայողները իրավունք չունենին թողնելու աշխատանքը, Երկաթուղայինները զրկվում էին արձակուրդից օգտվելու իրավունքից, Բացառություն էին կազմում միայն նրանք, ովքեր հիվանդության պատճառով ի վիճակի չէին անցնելու աշխատանքի, Սահմանված կանոնների խախտողներին սպառնում էր մինչև 3 ամսյա բանտային կալանք:

Չնայած հայտարարված ռազմական դրությանը, պայքարի ելած երկաթուղայինները գործադուլները շարունակում են նաև փետրվարին, Արդեն նույն ամսի 16-ին երկաթուղու գլխավոր արհեստանոցներում աշխատանքները նորից են ընդհատվում: Վարչությանը ներկայացվում են մի շարք պահանջներ, որոնց թվում՝ ռուս-ճապոնական պատերազմի օգտին բանվորներից հարկադրաբար պահվող դրամական նվիրատվությունները վերացնելու պահանջը<sup>15</sup>, Չստանալով ցանկալի պատասխան, փետրվարի 23-ին մոտ 2.000 բանվորներ կարմիր դրոշներով շարժվում են դեպի Դիդուբե և կազմակերպում հակակառավարական միտինգ:

Փետրվարի վերջերին գործադուլ են անում նաև Ալեքսանդրապոլի ուղեմասի երկաթուղայինները<sup>16</sup>, Հետագա օրերին այս ուղեմասում աշխատանքները վերսկսվում են միայն զինվորական պահակախմբի միջամտությամբ:

Անդրկովկասի երկաթուղայինների պայքարը նոր թափ ստացավ 1905 թ. գարնանը: Պատահական չէ, որ ՌՍԴԲԿ III համագումարը հատուկ բանաձև ընդունեց՝ «Կովկասի իրադարձությունների առթիվ», որտեղ մեծ գոհունակությամբ նշվում էր, որ «Հեղափոխական շարժումը Կովկասի բնակչության մե-

11 ՀՄՄՀ ԿԳԱ, ֆ. 94, ց. 1, գ. 2792, թ. 2:

12 Վ. Ի. Լենին, Երկեր, հ. 8, էջ 107:

13 «Ռևոլյուցիոն կոչեր և թուցիկներ», Երևան, 1960, էջ 106—107:

14 Նույն տեղում:

15 «Начало первой русской революции», стр. 605.

16 «Հայաստանի կոմունիստական կուսակցության պատմության ուրվագծեր», Երևան, 1967, էջ 73:

ծամանություն մեջ... արդեն հասել է ինքնակալության դեմ ուղղված համա-  
ժողովրդական ապստամբության»<sup>17</sup>:

Համագումարը Ռուսաստանի գիտակից պրոլետարիատի անունից ողջու-  
նելով Կովկասի հերոսական պրոլետարիատին ու գյուղացիությանը, կուսակ-  
ցության Կենտկոմին և տեղական կոմիտեներին հանձնարարեց «ամենաեռան-  
դուն միջոցներ ձեռք առնել Կովկասի գործերի դրության մասին ամենալայն  
կերպով տեղեկություններ տարածելու բոլորշուրների, միտինգների, բանվորա-  
կան ժողովների, խմբակային զրույցների և այլ միջոցներով, ինչպես նաև ժա-  
մանակին աջակցություն ցույց տալու Կովկասին՝ իրենց տրամադրության տակ  
եղած բոլոր միջոցներով»<sup>18</sup>:

1905 թ. մարտի 13-ին Թիֆլիսի երկաթուղային հանգույցի բանվորները  
քաղաքից դուրս գումարում են գաղտնի ժողով, որին մասնակցում են 500  
մարդ: Ելույթ ունեցողները, դատապարտելով ցարական ռեժիմը, ինքնակալու-  
թյան դեմ պայքարի կոչ են անում:

Մարտի 15-ին սկսվում է Նավթլուղի ուղեմասի երկաթուղայինների գոր-  
ծադուլը, որի ժամանակ բանվորներն առաջ են քաշում 11 կետից կազմված  
պահանջներ: Նրանց պաշտպանությամբ հանդես եկան Բաքու-Բաթումի գծի եր-  
կաթուղայինները<sup>19</sup>: Մարտի 18-ին Բալաջարի կայարանի բանվորները պա-  
հանջում են 40% ուլ ավելացնել աշխատավարձը, բարելավել աշխատանքային  
ու կենցաղային պայմանները: Նման պահանջներով հանդես են գալիս նաև  
Բաքվի դեպոյի բանվորները:

Մարտի 19-ին գործադուլ են անում Ելիզավետպոլի երկաթուղայինները,  
որոնք, թողնելով աշխատանքը, դուրս են գալիս փողոց և հեղափոխական երգեր  
երգելով շարժվում դեպի քաղաք<sup>20</sup>: Իսկ հաջորդ օրը նրանք անցկացնում են զին-  
ված ցույց «Կորչի՜ ինքնակալությունը», «Կեցցե՜ ազատությունը» լուզունգներով:  
Գործադուլին են միանում Թիֆլիս-Ղարաքիլիսա-Ալեքսանդրապոլ գծի բանվոր-  
ները: Գործադուլները լուրջ տազնապ են առաջացնում կառավարող շրջաննե-  
րում: Ամբողջ Թիֆլիս-Երևան գծի վրա սահմանվում է զինվորական հսկողու-  
թյուն: Ալեքսանդրապոլ-Ղարաքիլիսա գծի և դեպոյի բանվորներն ու ծառայող-  
ները գործադուլ են հայտարարում մարտի 20-ին: Գործադուլի ընթացքում բուլ-  
շևիկներին հաջողվում է ոտքի հանել կայարանի բոլոր բանվորներին և պայքա-  
րին տալ քաղաքական բնույթ:

Չնայած երկաթուղային տեղամասի պետի սպառնալիքներին և վարչական  
միջոցներին՝ գործադուլից ետ պահելու բանվորներին, վերջիններս մնում են  
անդրդվելի: Այնուամենայնիվ, տեղական իշխանություններին հաջողվում է  
զենքի միջոցով ստիպել գործադուլավորներին անցնելու աշխատանքի<sup>21</sup>: Պատ-  
ժիշ չոկատի միջամտությամբ է ճնշվում նաև Զուլֆայի երկաթգիծը կառուցող  
բանվորների գործադուլը:

Բանվորական շարժումների ազդեցության տակ ոտքի է ելնում նաև աշխա-  
տավոր գյուղացիությունը: Հատկապես ակտիվորեն են գործում երկաթուղուն

17 «ՍՍԿՊ-ն բանաձևերում...», մաս I, Երևան, 1954, էջ 103:

18 Նույն տեղում, էջ 104:

19 «Кавказ», 5.III.1905.

20 «Вперед», 1905, № 16.

21 Վրաց. ՍՍՀ ԿՊՊԱ, ֆ. 13, ց. 2, գ. 177, Թ. 44:



հարող գյուղական շրջանները: «Շարժումը սկսվելով երկաթուղային արհեստանոցներից և ֆաբրիկա-գործարանային շրջաններից, քաղաքներն ընդգրկում է գյուղական բնակչությունը ... Առանձնահատուկ ուժով այն դրսևորվում է հայաբնակ շրջաններում, գերազանցապես Երևանի նահանգում և Կարսի մարզում»<sup>22</sup>,

Երկաթուղային բանվորները բավականին աշխատանք են տանում գյուղացիության շրջանում: Նրանք հաճախակի տարածում են թուլցիկներ, պրոկլամացիաներ, տոն են տալիս և «ղեկավարում գյուղացիների բոլոր հակակառավարական ելույթները»<sup>23</sup>, Երկաթուղայինների գլխավորությամբ գյուղացիները հարձակումներ են գործում զինվորների, ժանդարմների, ոստիկանների վրա, նրանցից խլում զենքեր և զինվում: Շատ դեպքերում գյուղացիական հավաքներին մասնակցում էին նաև երկաթուղային բանվորներ, որոնք գյուղացիներին սովորեցնում էին զուտ տնտեսական պահանջներին միացնել նաև քաղաքականը: Թիֆլիսի նահանգային վարչության պետը հաղորդում է, որ մարտի 5-ին Միխայլովո գյուղից ոչ հեռու տեղի է ունեցել գյուղացիների հավաք, որին մասնակցել են 1.000 մարդ: Հավաքին ներկա գտնվող Միխայլովոյի դեպոյի բանվորները ձգտել են այդ պահանջներում անցկացնել նաև քաղաքական բնույթի կետեր<sup>24</sup>,

Երկաթուղային բանվորների հետագա պայքարի առաջն առնելու համար կառավարությունը փորձեր է անում Անդրկովկասում ստեղծել բանվորական կոմիտեներ: Արդեն մարտի 2-րդ կեսին սկսվում են պատգամավորների ընտրություններ այն հանձնաժողովների համար, որոնք նախատեսված էին իբր թե բարելավելու երկաթուղային բանվորների ու ծառայողների կենցաղային պայմանները:

Ծավալելով նախընտրական լայն կամպանիա և մերկացնելով կառավարության այդ կեղծ քայլը, բոլշևիկները բանվորներին կոչ էին անում չմասնակցել ընտրություններին: Մարտի 20-ին բոլշևիկների գլխավորությամբ կայացավ Բաքվի դեպոյի առավել գիտակից 80 բանվորների անլեգալ ժողով, որը վճռականապես հանդես եկավ ընտրություններին մասնակցելու դեմ: Այդ մասին ընդունված բանաձևը մասսայականացվեց<sup>25</sup>:

1905 թ. գարնանը բոլշևիկները քաղաքական լայն աշխատանք են տանում երկաթուղայինների շրջանում: ՌՍԴԲԿ Կովկասյան միութենական կոմիտեի, Թիֆլիսի, Բաքվի կոմիտեների հետ միասին այդ աշխատանքին ակտիվ մասնակցություն են ունենում նաև տեղական բոլշևիկյան կազմակերպությունները: Բոլշևիկները լայնորեն տարածում են տարբեր լեզուներով թուլցիկներ, պրոկլամացիաներ, ինչպես նաև տանում ագիտացիոն մեծ աշխատանք: 1905 թ. մարտի 12-ին հրապարակվեց «Բոլոր երկաթուղային ծառայողներին» թուլցիկը, որը պայքարի էր կոչում ինքնակալության դեմ:

Երկաթուղայինների շրջանում մեծ աշխատանք էր տանում ՌՍԴԲԿ Ելիզավետպոլի կազմակերպությունը, որը սերտ կապերի մեջ էր Թիֆլիսի և Բաքվի կոմիտեների հետ: Այն ղեկավարում և ուղղություն էր տալիս Եվլախի, Շամ-

<sup>22</sup> «Вперед», 1905, № 11.

<sup>23</sup> Վրաց. ՍՍՀ ԿԳՊԱ, ֆ. 19, գ. 8, թ. 28:

<sup>24</sup> «Красный архив», 1940, № 2.

<sup>25</sup> «Рабочее движение в Баку в годы первой русской революции» (Документы и материалы), Баку, 1956, стр. 174.

խորի, Թովուզի, Աղստաֆայի և երկաթուղային այլ կայարանների բանվորների հեղափոխական ելույթներին: 1905 թ. մարտին այդ կազմակերպությունը Ելիզավետպոլի երկաթուղայինների շրջանում տարածում է հայերեն, ռուսերեն, ադրբեջաներեն թուլցիկներ՝ «Փշրվում են շղթաները», «Եղբ Կատրաստ» վերնագրերով: Ղրանց մի մասը ընկնում է ոստիկանության ձեռքը: Վերջինիս հաջողվում է հայտնաբերել ոչ միայն թուլցիկներ, այլև 50 բրոշյուր<sup>26</sup>:

Բոլշևիկների ազդեցությունը մեծ էր նաև Ալեքսանդրապոլի երկաթուղայինների շրջանում: Այստեղ գործադուլներն ընթանում էին տեղի սոցիալ-դեմոկրատական կազմակերպության ղեկավարությամբ<sup>27</sup>:

1905 թ. մարտի վերջերին բոլշևիկները երկաթուղայինների շրջանում անց են կացնում քաղաքական բնույթի մի շարք զրույցներ, բացատրում առաջիկա պայքարի խնդիրներն ու նպատակները, պարզաբանում ինքնակալությունը տապալելու անհրաժեշտությունը, սովորեցնում պայքարի ճանապարհով հասնելու խոսքի, մամուլի, ցույցերի, գործադուլների ազատության և իրենց տնտեսական դրուժյան բարելավման<sup>28</sup>:

Բանվորների շրջանում բոլշևիկների կատարած հսկայական աշխատանքը թողեց իր բարերար ազդեցությունը: Այսպես, 1905 թ. առաջին երեք ամիսներին տեղի ունեցած գործադուլների ժամանակ երկաթուղայինները զերազանցապես առաջ էին քաշում տնտեսական, իսկ հետագա օրերին՝ քաղաքական բնույթի պահանջներ:

1905 թ. գարնանը Անդրկովկասի երկաթուղայինների ծավալած հեղափոխական պայքարի պատմության պայծառ էջերից է ապրիլյան ընդհանուր գործադուլը, որը աչքի էր ընկնում իր մասսայականությամբ և կազմակերպվածությամբ: Գործադուլը ղեկավարում էին ՌՄԴԿ Կովկասյան միությունը և նրա տեղական կազմակերպությունները: Սկսվելով Ելիզավետպոլից՝ գործադուլը շուտով ընդգրկում է ամբողջ Անդրկովկասյան երկաթուղին և միանգամից ընդունում քաղաքական բնույթ<sup>29</sup>:

Կառավարող շրջանները, վախենալով գործադուլի տարածումից, Ելիզավետպոլ են ուղարկում զինվորների երեք վաշտ: Չնայած Ղրան, երկաթուղայինները որոշում են պայքարել մինչև իրենց պահանջների բավարարումը<sup>30</sup>: Գործադուլավորներին են միանում Բաքվի, Հաջիկաբուլի, Աղստաֆայի, Քյուրդամիրի, Թիֆլիսի, Միխայլովոյի, Սամտրեդիի, Կվիրիլիի, Ալեքսանդրապոլի և այլ վայրերի երկաթուղայինները: Գնացքների թիվեկությունը դադարում է<sup>31</sup>: Այն վերականգնելու նպատակով Կովկասում քաղաքացիական մասի գծով զբաղվող հրամանատարի օգնական գեներալ Մալաման փոխարքա Վորոնցով-Դաշկովին խնդրում է Անդրկասպյան երկաթուղային գումարտակներից առանձնացնել 50 մեքենավարների և ուղարկել Թիֆլիս<sup>32</sup>: Այնուհետև նա խնդրում է

<sup>26</sup> Վրաց. ՍՍՀ ԿՊՊԱ, ֆ. 480, ց. 2, գ. 287, թ. 133:

<sup>27</sup> «Հայաստանի կոմունիստական կուսակցության պատմության ուղիղ գծեր», էջ 73:

<sup>28</sup> «Революция 1905 г. в Закавказье» (Хроника событий, документы и материалы), Тифлис, 1926, стр. 56.

<sup>29</sup> «Бакинские известия», 3.IV.1905.

<sup>30</sup> Վրաց. ՍՍՀ ԿՊՊԱ, ֆ. 279, ց. 1, գ. 10, թ. 164:

<sup>31</sup> Նույն տեղում, ֆ. 13, ց. 2, գ. 177, թ. 75:

<sup>32</sup> Նույն տեղում:



Անդրկովկասյան երկաթուղի ուղարկել երկաթուղային մեկ գումարտակ՝ Անդրկասպյան կամ էլ Ռուսաստանի այլ մարզերից:

Բոլշեիկների կատարած աշխատանքի շնորհիվ երկաթուղայինները ներկայացնում են թե՛ տնտեսական և թե՛ քաղաքական պահանջներ<sup>33</sup>:

Ապրիլյան գործադուլին ակտիվ մասնակցություն ունեցան Հայաստանի երկաթուղայինները: Ապրիլի 5-ին գործադուլ են հայտարարում Ալեքսանդրապոլի երկաթգծի և դեպոյի բոլոր բանվորները, մեքենավարներն ու ծառայողները: Նրանք հայտարարում են, որ աշխատանքի կանցնեն միայն այն դեպքում, եթե իրենց պահանջները բավարարվեն<sup>34</sup>: Նույն օրը կանգ է առնում գնացքների երթևեկությունը Թիֆլիս—Երևան և Ալեքսանդրապոլ — Կարս գծերում<sup>35</sup>, Ալեքսանդրապոլի երկաթուղայիններն առաջադրում են ոչ միայն տրնտեսական, այլև քաղաքական պահանջներ (Կովկասում տարրական դպրոցներում մայրենի լեզուններով պարտադիր ուսուցում մտցնելու, դավանանքի և կրոնական բոլոր սահմանափակումները վերացնելու, ժողովների, միությունների, ընկերությունների ազատության պահանջներ և այլն): Ուշագրավ է, որ երկաթուղայինները առաջ են քաշում նաև այնպիսի պահանջներ, որոնք բացառապես վերաբերում են գյուղացիությանը: Այսպես, օրինակ, նրանք պահանջում են սահմանել հողաբաժինների հետգնում և պետական հողերի վրա իրավունք տալ բնակվելու սակավահող և հողազուրկ գյուղացիներին<sup>36</sup>, նման պահանջների առաջադրումը հետևանք էր երկաթուղայինների շրջանում բոլշեիկների տարած քաղաքական մեծ աշխատանքի:

Չնայած մեծ չափերի հասնող բռնություններին, բոլշեիկներն ամեն կերպ աշխատում են ընդլայնել գործադուլի շրջանակները, նրան մասնակից դարձնել նաև Հյուսիսային Կովկասի երկաթուղայիններին: Այդ նպատակով Բաքվի կոմիտեի տպարանում հրատարակվում է Բաքվի երկաթուղային հանգույցի երկաթուղայինների նամակը՝ ուղղված Վլադիկավկազի երկաթուղու բանվորներին: Վերջիններիս կողմնակցությունը գործադուլին, Բաքվի երկաթուղայինները գրում են. «... Մեզ համար դժվար կլինի անցկացնել գործադուլը: Դրանով մենք ինքներս մեզ դատապարտում ենք կարիքների ու զրկանքների ... Թող այդպես լինի... Բայց դրա փոխարեն գործադուլը կհարվածի մեր տների գրպաններին:

Թող մեր ոչ բոլոր պահանջները բավարարվեն, այլ միայն նրանց մի մասը, թող նույնիսկ դրանցից և ոչ մեկն էլ չբավարարվի, բայց դարձյալ մենք կշահենք ... Մենք կսովորենք գործել համատեղ, համատեղ պաշտպանել մեր շահերը:

Պարտության հնարավորությունը չի սարսափեցնի մեզ, ընդհակառակը, այն հող կնախապատրաստի հետագա հաղթանակի համար... Ուստի մենք որոշել ենք պայքարել մինչև վերջ... Մեր շահերը նույնն են ... Կասկած չկա, որ համատեղ ջանքերով մենք կհասնենք հաղթանակի»<sup>37</sup>:

<sup>33</sup> «Рабочее движение в Баку в годы первой русской революции», стр. 117—118.

<sup>34</sup> «Революционное движение в Армении 1905—1907 гг.» (Сборник документов), Ереван, 1955, стр. 127—128.

<sup>35</sup> Նույն տեղում:

<sup>36</sup> «Ռեկուլցիոն շարժումները Հայաստանում 1905—1907 թթ.» (Հոդվածների ժողովածու), Երևան, 1955, էջ 157:

<sup>37</sup> «Рабочее движение в Баку в годы первой русской революции», стр. 122—123.

Սակայն վլադիկավկազի երկաթուղայիններն այդ կոչին արձագանքեցին բավականին ուշացումով, և րբ Անդրկովկասյան երկաթուղում գործադուլն արդեն ճնշվել էր:

Գործադուլին վերջ տալու համար ապրիլի 6-ին Թիֆլիսում, Բաքվում, Բալաջարում, Հաջիկաբուլում և այլ կայարաններում հրապարակվում է գեներալ Նահանգապետի հրամանը, որով բոլոր գործադուլավորներին առաջարկվում էր մինչև ապրիլի 7-ը անցնել աշխատանքի, այլապես անմիջապես կհեռացվեին աշխատանքից և կարտաքսվեին: Գործադուլող բռնությունները հասնում են մեծ չափերի: Ապրիլի 5-ին և 6-ին ձերբակալված երկաթուղայինների թիվը հարյուրների էր հասնում: Միայն Բաքվի դեպոյում ապրիլի 7-ին ձերբակալվում են 400 բանվորներ, որոնք մինչ այդ տրված հրամանի համաձայն ենթակա էին արտաքսման<sup>38</sup>: Գործադուլի հետագա շարունակումը կապված էր մեծ դժվարությունների հետ<sup>39</sup>: Արդեն ապրիլի 8-ին Բաքվի երկաթուղային հանգույցում աշխատանքները վերսկսվում են: Բայց երկաթուղում գործադուլը շարունակվում է մինչև նույն ամսի 12-ը և վերջնականապես ճնշվում գեներալի ուժով:

Գործադուլը կարևոր նշանակություն ունեցավ երկաթուղային բանվորների ու ծառայողների քաղաքական գիտակցության բարձրացման գործում: Այն ցույց տվեց, որ բացի մտրակից, գնդակից, աքսորից և բանտից բանվորները ցարական կառավարությունից ոչ մի սպասելիք չեն կարող ունենալ և որ անհրաժեշտ է վճռական պայքար մղել ինքնակալության դեմ:

Անդրկովկասի երկաթուղայինների ապրիլյան գործադուլին անդրադարձել է նաև բոլշևիկյան «Вперед» թերթը: Նշելով Անդրկովկասի երկաթուղայինների հեղափոխական պայքարի թափը և բարձր գնահատական տալով այդ պայքարում ՄՍԴԲԿ Կովկասյան միության ղեկավար ղերին, թերթը նշում է, որ երկաթուղայինների գործադուլը շատ կարճ ժամանակում ընդգրկելով ամբողջ գիծը՝ ճլրմանում էր Կովկասին հատուկ համառությամբ ու համերաշխությամբ և որ դրանում զգացվում էր ՄՍԴԲԿ Կովկասյան միության ազդեցությունը<sup>40</sup>:

Թերթը միաժամանակ նշում է գործադուլի պարտության պատճառները: Դրանցից մեկն այն էր, որ երկաթուղային ծառայողների և բանվորների գործողությունները համաձայնեցված չէին: Ի միջի այլոց, ապրիլի 7-ին, երբ բոլշևիկների գլխավորությամբ տեղի էր ունենում Բաքվի հանգույցի բանվորների ու ծառայողների միտինգը, որտեղ քննարկվում էր գործադուլը շարունակելու հարցը, ծառայողների մի մասը և զորսենյակային աշխատողները (սրանք համեմատաբար ավելի բարձր աշխատավարձ էին ստանում) պահանջում էին դադարեցնել գործադուլը:

Բայց գործադուլի պարտության հիմնական պատճառը դա չէր: Ինչպես նշում է թերթը, երկաթուղին հեղեղվել էր ոստիկաններով, կազակներով, զինվորներով, որոնք տեղերի էին ենթարկում բանվորներին, բանտ նետում նրանց, ահաբեկում: Իսկ հայտարարված ռազմական դրությունը լայն ասպարեզ էր բացում տեղական իշխանությունների կամայականությունների համար<sup>41</sup>:

<sup>38</sup> Նույն տեղում, էջ 130:

<sup>39</sup> «Пролетарий», 1905, № 4.

<sup>40</sup> «Революция 1905—1907 гг. в национальных районах России (сборник статей), М., 1955, стр. 504.

<sup>41</sup> «Вперед», 1905, № 18.



Անդրկովկասի երկաթուղայինների ապրիլյան գործադուլը համառոտապետանյան բանվորական շարժման բաղկացուցիչ մասն էր: Դա դիտեր նաև ցարական կառավարությունը: Անդրկովկասյան երկաթուղու ժանդարմական վարչության պետն իր ղեկավարներից մեկում Կովկասի ոստիկանության կառավարին գրում էր. «Երկաթուղու բոլոր գործադուլները անխտիր կերպով կապ ունեն այն շարժման հետ, որով ընդգրկվել է ամբողջ Ռուսաստանը ընդհանրապես և Կովկասը՝ մասնավորապես»<sup>42</sup>:

Ապրիլյան գործադուլից հետո բոլշևիկների ազդեցությունը երկաթուղայինների շրջանում ավելի ուժեղացավ: Չնայած պարտությունը, ապրիլյան գործադուլն ունեցավ մեծ նշանակություն Անդրկովկասի երկաթուղայինների քաղաքական գիտակցության բարձրացման գործում:

## ИЗ ИСТОРИИ РЕВОЛЮЦИОННОЙ БОРЬБЫ ЖЕЛЕЗНОДОРОЖНИКОВ ЗАКАВКАЗЬЯ

А. В. СИМОНЯН

### Резюме

На кровавые события 9 января 1905 г. живо откликнулись железнодорожники Закавказья. Под руководством Кавказского Союзного Комитета РСДРП 18 января началась забастовка рабочих главных мастерских и депо ЗЖД, которая вскоре переросла во всеобщую стачку тифлисского пролетариата.

Кроме железнодорожников Тифлиса в январских забастовках активное участие принимали также железнодорожные рабочие других станций.

Хотя январское забастовочное движение железнодорожников закончилось поражением, но оно не прошло бесследно. Правительство вынуждено было пойти на частичные уступки.

Стачки железнодорожников не прекращались и в феврале, несмотря на то, что на ЗЖД было объявлено военное положение.

Весна 1905 г. ознаменовалась дальнейшим ростом революционного движения железнодорожников Закавказья. Из забастовок этого периода выделяется своей массовостью и упорством всеобщая апрельская забастовка, проходившая под руководством Кавказского Союзного Комитета и местных большевистских организаций.

В дни забастовки большевики вели большую организаторскую и пропагандистскую работу среди участников забастовочного движения, распространяли в большом количестве листовки, прокламации, воззвания, организовывали митинги, собрания, призывая железнодорожников продолжать борьбу против самодержавия.

В ходе забастовки железнодорожники выставляли наряду с экономическими и политические требования.

<sup>42</sup> Վրաց. ՍՍՀ ԿԳՊԱ, ֆ. 83, ց. 1, դ. 192, ք. 4: